
DÉZIÈM CHAPIT
**Mouin kouè nan Jézu-Kri,
sèl Pitit Bondié-a**

ATIK 4

*Jézu-Kri ki « soufri sou ringn Pons Pilat,
yo klouré-l sou koua-a, li mouri
é yo antéré li »*

- 571 Mistè Paskal koua-a épi rézireksion Kris-la sé nan pouin santral Bòn
1067 Nouvèl-la li yé, sa Apot-yo épi, après yo, l'Égliz-la doué anonsé tè-a. Projè
Bondié pou-l sovè nou-an akonpli « yon sèl foua pou tout » (He 9, 26)
palintèmediè lanmò Pitit li-a Jézu-Kri pou rédanmsion-an.
- 572 L'Égliz-la rété fidèl nan intèprétasion tout sa-k Ékri-yo Jézu li-minm té
599 bay anvan épi après Pak li-a : « Èské sé pa bagay sa-yo Kris-la té gin pou-l
té soufri, épi antré nan gloua-l la ? » (Lc 24, 26-27. 44-45). Soufrans Jézu-
a pran fòm istorik-li poutèt « anyin-yo ak chèf prèt-yo ak skrib-yo » (Mc
8, 31) té réjté-l épi té rinmèt li « nan min nasion-yo pou yo pasé-l nan
jouèt, pou yo bat li, pou yo klouré-l sou koua » (Mt 20, 19).
- 573 Sé poutèt sa, lafoua-a kapab éséyé égzaminé sikonstans lanmò Jézu-a,
158 sa Évanjil-yo transmèt avèk fidèlité (cf. DV 19) épi ak ékléraj lòt sous
istorik, pou-l kapab konprann sans Rédanmsion-an pi byin.

PARAGRAF 1. Jézu ak Israèl

- 574 Dépi kòmansman ministè piblik Jézu-a, patizan Farizyin-yo ak
530 Érodyin-yo, avèk prèt-yo épi skrib-yo, té mété yo dakò pou yo éliminé-l
(cf. Mc 3, 6). Poutèt kèk aksion li té fè (poutèt li chasé démon-yo, cf. Mt
12, 24 ; li padoné péché-yo, cf. Mc 2, 7 ; li fè gérizon jou saba-a, cf. Mc 3,
1-6 ; li bay pròp intèprétasion pa-l osijè sa-k pròp dapré laloua-a, cf. Mc
7, 14-23 ; li frékanté piblikin-yo ak péchè piblik-yo, cf. Mc 2, 14-17) kèk
moun ki té gin mové intansion té pansé gin lè sé djab ki posédé Jézu (cf.
591 Mc 3, 22 ; Jn 8, 48 ; 10, 20). Yo akizé-l di l-ap blasfémé (cf. Mc 2, 7 ; Jn

5, 18 ; 10, 33) épi di-l sé fo-profèt (cf. Jn 7, 12 ; 7, 52), sètadi yo akizé-l pou krim kont rélijion-an sa Laloua-a té pini ak lanmò sou fòm lapidasion (cf. Jn 8, 59 ; 10, 31).

575 Sé poutèt sa, anpil aksion ak paròl Jézu té « sign k-ap sèvi kontradiksion » (Lc 2, 34) pou otorité rélijyé-yo nan Jérusalèm, yo-minm évanjil sin Jan-an rélé souvan « Juif-yo » (cf. Jn 1, 19 ; 2, 18 ; 5, 10 ; 7, 13 ; 9, 22 ; 18, 12 ; 19, 38 ; 20, 19), pi plis pasé pou komin pèp Bondié-a (cf. Jn 7, 48-49). Sètènman, rélasyon-l avèk Farizyin-yo pa-t sèlman polémik. Kèk nan Farizyin-yo avèti-l osijè danjé ki té pandié sou tèt li-a (cf. Lc 13, 31). Jézu fè louanj kèk nan yo, tankou skrib-la nan Mc 12, 34 épi li manjé pliziè fous lakay Farizyin-yo (cf. Lc 7, 36 ; 14, 1). Jézu 993 konfirmé doktrîn ki té komin pou group rélijyé élit sa-a nan pèp Bondié-a : rézireksion mò-yo (cf. Mt 22, 23-34 ; Lc 20, 39), fòm piété-yo (fè lacharité, priyé épi jéné, cf. Mt 6, 18) épi abitud palé ak Bondié tankou Papa-a, ak karaktè santral kòmandman rinmin Bondié épi prochin-an (cf. Mc 12, 28-34).

576 Nan jé pliziè moun nan Israèl, sanblé Jézu t-ap aji kont institisyon ésansyèl pèp yo chouazi-a :

- kont soumision bay Laloua-a nan intégralité komandman ki ékri-yo épi, pou Farizyin-yo, nan intèprétasyon tradisyon oral-la ;
- kont karaktè santral Tanp Jérusalèm-nan kòm koté ki sin koté Bondié abité yon fason spésial ;
- kont lafoua nan yon sèl Bondié-a, li-minm okinn moun pa kapab vîn patisipé nan gloua li-a.

I. Jézu épi Laloua-a

577 Jézu té bay yon avètisman solanèl lè-l té kòmansé prèch sou mòn-nan 1965 koté li té prezanté Laloua Bondié té bay sou Sinayi-a nan Premyé Alians-la anba limiè lagras Nouvo Alians-la :

1967 « Pa sipozé mouin vini pou-m défèt Laloua-a oubyin Profèt-yo ; mouin pa vini pou-m défèt, min pou-m akonpli. Amèn mouin di nou vré, joutan sièl-la ak tè-a pasé, yon iota oubyin yon trè pap pasé sot nan Laloua-a, joutan tout bagay fèt. Moun nan minm k-ap défèt youn nan pi piti kòmandman sa-yo épi k-ap aprann moun yo fè minm jan, sé pi piti y-ap rélé-l nan péyi-roua sièl-yo ; min moun k-ap fè yo épi k-ap anségné yo, sa-a sé gran y-ap rélé-l nan péyi-roua sièl-yo » (Mt 5, 17-19).

578 Jézu, Mési Israèl-la, donk li pi gran nan Rouayòm sièl-yo, té doué 1953 akonpli Laloua-a antan, dapré pròp paròl li-yo, li égzékité-l toutantié jous nan pi piti kòmandman-l yo. Pi plis toujou, sé li-minm sèl ki té kapab fè sa alapèféksion (cf. Jn 8, 46). Juif-yo, dapré pròp déklarasion yo, pa-t janm kapab akonpli Laloua-a intégralman san yo pa manké nan kòmandman ki pi piti-a (cf. Jn 7, 19 ; Ac 13, 38-41 ; 15, 10). Sé poutèt sa, chak ané, nan fèt Ékspiasion-an (Padon-an), pitit Israèl-yo té mandé

Bondié padon pou transgrésé yo té transgrésé Laloua-a. Réyèlman vré, Laloua-a sé yon sèl totalité li yé épi, jan sin Jak fè sonjé-a, « réyèlman, ninpòt moun ki obsèvé tout laloua-a min ki manké nan yon sèl pouin, li vîn koupab pou tout » (Jc 2, 10 ; cf. Ga 3, 10 ; 5, 3).

579 Prinsip intégrité sa-a nan obsèvans Laloua-a, pa sèlman dapré lèt ki ékri-a, min dapré léspri-l tou, Farizyin-yo té aprésié sa anpil. Antan yo té mété-l dévan Israèl, yo té kondui anpil Juif nan tan Jézu nan yon atachman rélijyé ékstrèm (cf. Rm 10, 2). Atachman sa-a, si-l pa-t vlé fonn nan diskision « ipokrit » sou diféran ka-yo (cf. Mt 15, 3-7 ; Lc 11, 39-54), nésèsèman li t-ap préparé pèp-la pou intèvansion Bondié-a, sa yo pa-t janm tandé, ki t-ap fè Laloua-a vîn apouin nèt-la nan yon sèl Moun Kòrèk-la (le Juste) ki t-ap fè-l nan plas tout péchè-yo (cf. Is 53, 11 ; He 9, 15).

580 Laloua-a pa t-ap kapab akonpli nèt si sé pa-t nan Léjislatè ki sot nan Bondié-a ki fèt anba Laloua-a nan Pèrsòn Pitit-la (cf. Ga 4, 4). Nan Jézu, 2057 Laloua-a pa parèt sé sou tab ròch li ékri ankò, min « nan zantray » ak « nan kè » (Jr 31, 33) Sèvitè-a, li-minm, poutèt « sé nan vérité-a l-ap fè jijman-an soti » (Is 42, 3), li vîn tounin « Alians pèp-la » (Is 42, 6). Jézu akonpli Laloua-a jous li pran « madichon laloua-a » (Ga 3, 13) sou pròp tèt-li, sa moun-yo té ginyin poutèt yo « pa rété nan tou sa-k ékri nan liv laloua-a pou yo fè-yo » (Ga 3, 10) paské lanmò Kris-la « vîn rivé pou rédanmsion péché-yo ki té nan Prémie Téstaman-an » (He 9, 15).

581 Nan jé Juif-yo ak chèf spirituèl yo Jézu té parèt tankou yon « rabbi » (cf. Jn 11, 38 ; 3, 2 ; Mt 22, 23-24. 34-36). Li-minm, anpil foua, li diskité dapré fason rabin-yo té intèprété Laloua-a (cf. Mt 12, 5 ; 9, 12 ; Mc 2, 23-27 ; Lc 6, 6-9 ; Jn 7, 22-23). Min, an minm tan, Jézu t-ap gin frapman nésèsèman ak doktè Laloua-yo paské li pa-t rété nan limit yo-a lè li t-ap 2054 bay intèprétasion pa-l la ; « sèké li t-ap ba yo ansègnman tankou moun ki gin otorité, sé pa tankou skrib pa-yo » (Mt 7, 28-29). Nan li-minm, sé minm Paròl Bondié-a ki té sonnin sou Sinayi pou bay Moyiz Laloua ki ékri-a, sé li-minm ankò ki fè yo tandé-l sou mòn Béatitud-yo (cf. Mt 5, 1). Paròl sa-a pa aboli Laloua-a, min li akonpli-l, antan-l bay dènié intèprétasion-l dapré Bondié : « Nou té tandé ankò yo té di ansyin-yo [...]. Mouin minm mouin di nou » (Mt 5, 33-34). Ak minm otorité Bondié sa-a li réjté kèk « abitud tradision moun-yo » (Mc 7, 8) kay Farizyin-yo ki « anilé (chiré) Paròl Bondié-a » (Mc 7, 13).

582 Antan-l avansé pi louin, Jézu akonpli Laloua-a osijè manjé ki pròp-yo, ki té tèlman inpòtan nan lavi chak jou Juif-yo, antan-l bay signifikasion « pédagojik » li té ginyin-an (cf. Ga 3, 24) ak yon intèprétasion ki sot nan Bondié : « Tou sa-k déyò ki antré nan moun-nan pa kapab sal li, [...] — antan konsa li pròpté tout manjé. Li t-ap di : “Sé sa-k soti nan moun-nan, sé sa-k sal moun-nan. Sèké sé anndan-an, nan kè moun-nan mové pansé ap soti” » (Mc 7, 18-21). Antan-l transmèt ak otorité Bondié-a

368 intèprétasion définitif Laloua-a, Jézu trouvé-l an konfli ak kèk doktè
 548 Laloua-a ki pa-t résévoua intèprétasion-l nan, minm si sign Bondié ki t-ap
 ankonpagné-l yo té konfirmé-l (cf. Jn 5, 36 ; 10, 25. 37-38 ; 12, 37). Sa vo
 an patikilié pou késion saba-a : anpil foua, sé avèk agiman rabin-yo (cf.
 2173 Mc 2, 25-27 ; Jn 7, 22-24), Jézu fè sonjé répo saba-a pa troublé poutèt
 sèvis Bondié-a (cf. Mt 12, 5 ; Nb 28, 9) oubyin sèvis prochin-an (cf. Lc
 13, 15-16 ; 14, 3-4) sa li t-ap bay gèrizon-yo.

II. Jézu épi Tanp-la

583 Minm jan ak Profèt-yo anvan-l, Jézu montré yon respè profon aléga
 529 Tanp Jérusalèm-nan. Sé la Jozèf ak Mari té prezanté-l karant jou aprè
 534 Nésans-li (cf. Lc 2, 22-39). Nan laj douzan li desidé rété nan Tanp-la pou-
 l fè paran-l yo sonjé li doué nan afè Papa-l (cf. Lc 2, 46-49). Chak ané li té
 monté la omouins pou fèt Pak-la pandan tan lavi kaché-l la (cf. Lc 2, 41) ;
 ministè piblik li-a té suiv ritm pèlerinaj nan Jérusalèm pou gran fèt Juif-yo
 (cf. Jn 2, 13-14 ; 5, 1. 14 ; 7, 1. 10. 14 ; 8, 2 ; 10, 22-23).

584 Jézu monté nan Tanp-la tankou koté ki byin plasé pou-l rankontré
 2599 Bondié. Tanp-la pou li, sé koté Papa-l rété, kay priyé, épi li indigné poutèt
 lakou déyò-a té vîn tounin yon plas machann (cf. Mt 21, 13). Si-l mété
 machann-yo déyò nan Tanp-la, li fè sa poutèt atachman rinmin-l aléga
 Papa-l : « Pa fè kay Papa-m nan vîn tounin kay komès. Disip-yo minm vîn
 sonjé yo té ékri : “Dévouman kay ou ap fîn manjé-m” (Ps 69, 10) » (Jn 2,
 16-17). Aprè Réziréksion-l, Apot-yo ap kinbé yon respè rélijjié pou Tanp-
 la (cf. Ac 2, 46 ; 3, 1 ; 5, 20. 21 ; etc.).

585 Jézu minm, nan papòt soufrans li-a, té anonsé déstriksion bèl
 konstriksion sa-a, pap rété ròch sou ròch ladan-l (cf. Mt 24, 1-2). Nan sa
 gin yon anons dènié tan-yo k-ap ouvri avèk Pak li-a (cf. Mt 24, 3 ; Lc 13,
 35). Min fo-témouin-yo té kapab rapòté profési sa-a yon fason défòmè lè
 yo t-ap intèrojé-l dévan gran prèt-la (cf. Mc 14, 57-58) épi yo té rétounin-l
 sa kòm jouman lè-l té klouré sou koua-a (cf. Mt 27, 39-40).

586 Nan okinn fason, Jézu pa-t kontrè ak Tanp-la (cf. Mt 8, 4 ; 23, 21 ; Lc
 17, 14 ; Jn 4, 22) koté li bay ansègnman ésansièl li-yo (cf. Jn 18, 20), Jézu
 té vlé péyé inpo Tanp-la antan-l asosié Piè avèk li (cf. Mt 17, 24-27), li
 797 minm li té fèk mété kòm fondman pou l'Égliz li-a ki té gin pou vini (cf.
 Mt 16, 18). Pi plis toujou, li idantifié pròp tèt-li ak Tanp-la antan-l montré
 li sé koté Bondié rété pami moun-yo définitivman (cf. Jn 2, 21 ; Mt 12, 6).
 Sé pou sa, touyé yo touyé-l nan kò-a (cf. Jn 2, 18-22) ap anonsé davans
 déstriksion Tanp-la k-apral manifésté kòmansman yon nouvo etap nan
 1179 istoua salu-a : « Lè-a rivé, sé pa ni sou mòn sa-a, ni Jérusalèm n-ap adoré
 Papa-a » (Jn 4, 21 ; cf. Jn 4, 23-24 ; Mt 27, 51 ; He 9, 11 ; Ap 21, 22).

III. Jézu épi lafoua Israèl nan Yon sèl Bondié ki Sovè-a

- 587 Si Laloua-a ak Tanp Jérusalèm-nan té kapab okazion « kontradiksyon » (cf. Lc 2, 34) sou bò Jézu pou otorité rélijyé Israèl-yo, fonksion-l nan Rédansyon péché-yo, travay Bondié sèl kapab fè osans pròp, sé yon véritab ròch skandal sa té yé pou yo (cf. Lc 20, 17-18 ; Ps 118, 22).
- 588 Jézu skandalizé Farizyin-yo antan-l manjé ak piblikin-yo épi péchè-yo (cf. Lc 5, 30) an zanmi intim minm jan-l fè avèk yo-a (cf. Lc 7, 36 ; 11, 37 ; 14, 1). Kont moun nan pami yo « ki té mét konfyans nan pròp tèt yo kòm si yo té kòrèk, épi ki t-ap méprizé lòt-yo » (Lc 18, 9 ; cf. Jn 7, 49 ; 9, 34), Jézu té déklaré : « Mouin pa vîn rélé moun ki kòrèk-yo, min sé péchè-yo mouin vîn rélé pou yo fè pénitans » (Lc 5, 32). Li té minm rivé pi louin, antan-l déklaré dévan Farizyin-yo, poutèt péché-a inivèsèl (cf. Jn 8, 33-36), moun ki prétann yo pa bézouin sovè, sé pròp tèt-yo yo fè vîn avèg (cf. Jn 9, 40-41).
- 589 Skandal prinsipal Jézu té bay-la sèké fason li t-ap aji ak mizérikòd ak péchè-yo li idantifié-l ak fason Bondié li-minm aji aléga yo (cf. Mt 9, 13 ; Os 6, 6). Li avansé jous li fè konprann antan-l patisipé nan tab péchè-yo (cf. Lc 15, 1-2), l-ap admèt yo nan résépsion mésianik-la (cf. Lc 15, 23-32). Min sé sitou antan-l padoné péché-yo Jézu mété otorité rélijyé Israèl-yo dévan yon dilèm. Èské sé pa kòrèktéman yo di nan sézisman yo-a : « Kilès ki kapab padonnin péché, si sé pa Bondié sèl ? » (Mc 2, 7) ?
431, 1441 Antan Jézu padonnin péché-yo sé soua l-ap blasfémé paské sé yon moun ki fè tèt-li égal ak Bondié (cf. Jn 5, 18 ; 10, 33), oubyin l-ap di lavérité épi
432 nan li Pèrsonèlman Non Bondié-a vîn prézan épi li révéle-l (cf. Jn 17, 6, 26).
- 590 Sé sèlman si gin idantité ak Bondié nan Pèrson Jézu-a l-ap kapab jistifié yon égzijans total (absolu) konsa : « Sa-k pa avèk mouin, sé kont mouin li yé » (Mt 12, 30) ; minm jan-an tou, lè-l di osijè pròp tèt-li li « plis pasé Jonas [...] plis pasé Salomon » (Mt 12, 41-42), « pi gran pasé Tanp-la » (Mt 12, 6) ; lè li fè sonjé antan-l rapòté-l pou pròp tèt-li David té rélé Mési-a Granmèt-li (cf. Mt 12, 36, 37) ; lè li déklaré : « Anvan Abraam té kòmansé égzisté, mouin la » (Jn 8, 58) ; épitou : « Mouin minm ak Papa-a nou fè yon sèl » (Jn 10, 30).
253
- 591 Jézu té mandé otorité rélijyé Jérusalèm-yo pou yo té kouè nan li poutèt travay Papa-l li t-ap fè-a (cf. Jn 10, 36-38). Min yon akt lafoua konsa té doué pasé nan yon mouri an sékrè parapò a pròp tèt-yo pou yon nouvo nésans sot anro-a (Jn 3, 3) avèk atirans lagras Bondié-a (cf. Jn 6, 44). Kalité égzijans konvèsion sa-a dévan yon akonplisman promès-yo ki tèlman bay sézisman (cf. Is 53, 1) pèmèt konprann èrè trajik Sanédrin-an pral fè lè-l konsidéré Jézu mérité lanmò poutèt blasfèm-nan (cf. Mc 3, 6 ;
526 Mt 26, 64-66). Manm [Sanédrin-an] aji konsa an minm tan poutèt ignorans (cf. Lc 23, 34 ; Ac 3, 17-18), poutèt yo vîn avèg (cf. Mc 3, 5 ;
574 Rm 11, 25) nan réfizé kouè-a (cf. Rm 11, 20).

RÉZIMÉ

- 592 *Jézu pa-t aboli Laloua Sinayi-a min li té akonpli-l (cf. Mt 5, 17-19) avèk yon kalité pèfeksion (cf. Jn 8, 46) pou-l révélé dènié signifikasion li ginyin (cf. Mt 5, 33) épi pou-l rachté transgrésion yo fè kont li (cf. He 9, 15).*
- 593 *Jézu té réspékté Tanp-la antan-l monté ladan-l nan fèt pèlérinaj Juif-yo, épi li té rinmin koté sa-a Bondié té abité pami moun-yo ak yon rinmin jalou. Tanp-la préfigiré mistè li-a. Li anonsé y-ap détrui-l, min tankou maniféstasion pròp lanmò pa-l la épi kòmansman antré nan yon nouvo etap istoua salu-a koté Kò li-a pral Tanp définitif-la.*
- 594 *Jézu fè kèk aksion, tankou padon péché-yo, ki té manifésté-l kòm Bondié Sovè-a (cf. Jn 5, 16-18). Kèk Juif ki pa-t rékonèt nan li Bondié ki vîn tounin moun (cf. Jn 1, 14), té ouè nan li yon moun k-ap fè tèt-li tounin Bondié (cf. Jn 10, 33), épi yo té jijé-l kòm blasfématè.*

[◀Atik
anvan-an](#)

[Gid jénéral-la](#)

[Atik▶
apré-a](#)